

ՀԱՅԵՐԻ ՄԱՍՆԱԿՑՈՒԹՅՈՒՆՆԵՐ
1936—1938 ԻԻ. ԱԼԵՔՍԱՆԴՐԵՏԻ ՍԱՆՋԱՔԻ ՊԱՇՏՊԱՆՈՒԹՅԱՆ ՊԱՅՔԱՐԻՆ

Ա. Ա. ԲԱՅՐԱՄՅԱՆ

Հայերը եղել են Ալեքսանդրեոսի սանջաքի բաղմազգ բնակչության էթնիկական երեք գլխավոր խմբերից մեկը¹։ 1936 թ. սեպտեմբերին Ալեքսանդրեոսի սանջաքի հարցի շուրջը ստեղծված քաղաքական ու դիվանագիտական երկարատև պայքարից հետո Սիրիայի հյուսիս-արևմտյան ծովափնյա այս շրջանը 1939 թ. հուլիսին կցվեց Թուրքիային²։

Հայերը խաղացել են շատ կարևոր, որոշ հանգամանքներում նույնիսկ վճռական դեր մանչատի ժամանակաշրջանում՝ սանջաքի տնտեսական, մշակութային-հասարակական և քաղաքական կյանքում։ Սիրիական սանջաքի դոյուբյանն իսկ սպառնացող «Ալեքսանդրեոսի կոնֆլիկտի» ժամանակաշրջանում (1936—1939) սիրիական իրավահավասար և հայրենասեր քաղաքացի հայերը չէին կարող անմասն մնալ սանջաքի պաշտպանության համար մղվող համաժողովրդական պայքարից։ Աղգային-ազատագրական, հակաիմպերիալիստական այդ շարժման մեջ հայերը պատվով կատարեցին իրենց հայրենասիրական պարտքը³։

Այս հողվածով մենք նպատակ ունենք համառոտակի ուսումնասիրության ենթարկել Ալեքսանդրեոսի պաշտպանության համար 1936—1938 թթ. մղված պայքարին հայերի մասնակցության գլխավոր փուլերն ու դրվագները։

* * *

Ալեքսանդրեոսի սանջաքի պրոքլեմը Թուրքիայի կառավարության կողմից միջազգային դիվանագիտության և Ազգերի լիգայի սեղանի վրա դրվեց 1936 թ. սեպտեմբերին, երբ ստորագրվեց Ֆրանս-սիրիական դաշնագիրը, որը Սիրիային խոստանում էր անկախություն՝ «երեք տարվա փորձական շրջանից» հետո։ Օգտվելով իր համար շատ նպաստավոր միջազգային իրադրությունից և 1921 թ. հոկտեմբերի 20-ի Անկարայի ֆրանս-թուրքական պայմանագրի 7-րդ հոդվածով ու կից փաստաթղթերով⁴ շրջանի թուրքական փոքրամասնությանն ու Անկարայի կառավարությանը վերապահված հատուկ իրավունքներից, Թուրքիան պահանջեց «անկախություն տալ Ալեքսանդրեոսի սանջաքին», ինչպես այն տրվում էր Սիրիային ու Լիբանանին։

Սանջաքի թուրք բնակչության մի մասը շարունակ պահանջել է շրջանի կցումը Թուրքիային և այդ ուղղությամբ տարել է սխտեմատիկ աշխատանք և կազմակերպել սեպարատիստական հրապարակային ելույթներ⁵։ Սեպարատիստական այդ շարժման դեմ շարունակ պայքարել են սան-

1 Սանջաքի 240.000 ազգաբնակչությունից (1937 թ.) շուրջ 120.000-ը արաբներ էին, 43.000-ը՝ հայեր, մնացածը՝ թուրքեր, թուրքմեններ, քրդեր, չերքեզներ (՝Ալեքսանդրեոսի Ավտոնոմ Սանջաքը» 1920—1938 թթ. ունեցել է վարչա-ֆինանսական «հատուկ ուժի»։ Ֆրանսիայի մանդատին հանձնված սիրիական պետության շրջանակներում։ Այս մասին մանրամասն տե՛ս սանջաքի իրավական ստատուսին և սոցիալ-քաղաքական դրությունը (1920—1930-ական թվականներին) նվիրված մեր հոդվածը՝ ՀՍՍՀ ԳԱ «Տեղեկագիր», 1964, № 12, էջ 27—36)։

2 Տե՛ս «Дипломатический Словарь», М., 1964, հատ. 3, էջ 373—379։

3 Տե՛ս Л. Х. Тер-Мкртчян, Армяне в странах Арабского Востока, М., 1965, էջ 42—43։

4 Տեքստերը տե՛ս проф. Ю. В. Ключков и проф. А. В. Сабанин, Международная политика новейшего времени в договорах и декларациях, часть III, вып. II, М., 1929, էջ 115—116։

5 «Իրրեդենտիստական» (վերամիավորման) այդ շարժմանը որպես ելակետ ծառայեց 1923 թ. մարտին Աղանայում Մ. Քեմալի կողմից Անտիոքի ու Ալեքսանդրեոսի շրջանի թուրքերի մասին արված հայտարարությունը, որտեղ ասված էր. «Քառասուն դարերի թուրքական մի տերիտորիա (?) Էրմեք չի կարող ստրուկ դառնալ»։ Տե՛ս Homet Marcel, Syrie—Terre Irredente, Histoire Secrete du Traite Franco-Syrien, Paris, 1938, էջ 142։

ջաթի արարական մեծամասնությունը և ամբողջ հայ ազգաբնակչությունը. թուրք չափավորականներն ու այլ փոքրամասնություններ (թուրքմեններ, քրդեր, չերքեզներ) նույնպես հաճախ հանգեալ էին զալիս թուրք սեպարատիստների դեմ: Երբ 1936 թ. սեպտեմբերին Անկարայի դիվանագիտական գործողություններին ու մամուլի հակասիրիական կամպանիային զուգահեռ՝ սանջաթի թուրք սեպարատիստները հրապարակային ելույթներ սկսեցին ընդդեմ ֆրանս-սիրիական դաշնագրի ու Սիրիայի հետ սանջաթի միասնության, շրջանի արարական մեծամասնությունը, հայ ազգաբնակչությունն ու մնացած փոքրամասնությունները (բնակչության շուրջ 80 տոկոսը) ձեռնարկեցին սիրիական սանջաթի պաշտպանության գործնական միջոցառումներ: Խաղաղ ցույցերով, մամուլի միջոցով նրանք ահաբեկչություններ իրենց հավանությունը ֆրանս-սիրիական դաշնագրին և սանջաթի սիրիական հստակացման կազմում պահպանելու իրենց կամքը: Սանջաթի հայրենասերները անհրաժեշտ համարեցին հրապարակով իրենց պատվիրակություններն ուղարկել Հալեպ՝ մասնակցելու համար ֆրանս-սիրիական դաշնագրի ստորագրումից հետո Փարիզից վերադարձող սիրիական պատվիրակությանը դիմավորելու համար կազմակերպված համաժողովրդական տոնախմբություններին: Այդ կապակցությամբ 1936 թ. սեպտեմբերի 25-ին սանջաթի հայրենասերները մի շարք պատվիրակությունների հետ Հալեպ ժամանեցին նաև Մուսալեռան, Քեսապի, Կրկ-Խանի և Ալեքսանդրետի ու շրջակայքի հայերի պատվիրակությունները: Ալեքսանդրետի պատվիրակությունը գլխավորում էր սանջաթի կոմունիստական կազմակերպության պատասխանատու աշխատողներից՝ Փայլակ Իսրայելյանը: Սիրիական ազգային դրոշի հետ սլոգանները տանում էին նաև կարմիր դրոշ. սա Հալեպում հրապարակային ցույցի ժամանակ կարմիր դրոշ պարզելու առաջին դեպքն էր⁶:

Սիրիական ազգային ժամանակավոր կառավարությունը որոշել էր 1936 թ. նոյեմբերին նոր պառլամենտի ընտրություններ անցկացնել ամբողջ Սիրիայում, ներառյալ նաև սանջաթում: Շրջանի թուրքերին հրահանգ տրվեց բոլորովին ենթարկել ընտրությունները: Այս գործողությամբ թուրք սեպարատիստները ձգտում էին հասնել այն բանին, որ ընտրությունների ժամանակ պահանջված քվորումը ձեռք չբերվի սանջաթում, դեպուտատների ընտրությունը մնա առկախ և դրանով իսկ «ապացուցվի», թե իբր «թուրքերը մեծամասնություն են կազմում» շրջանում: Բոլոր ընտրողներին իրենց ենթարկելու համար սեպարատիստները սանջաթում էտեղծեցին քաղաքական ահաբեկման մթնոլորտ, որի հետևանքով տեղի ունեցան ընդհարումներ թուրքերի և արաբների ու հայերի միջև: Նոյեմբերի 6-ին սեպարատիստների կողմից Անտիոքում սպանված 4 արաբների հուղարկավորությունը վերածվեց արաբ-հայ համերաշխության ու Սիրիայի հետ սանջաթի միասնության հզոր ցույցի⁷:

Սանջաթի ներսում և սանջաթից դուրս՝ օտարերկրյա իմպերիալիստների միջազգային դիվանագիտական անդրկուլիսյան դավերին դիմագրավելու համար, իր անկախության շեմին գտնվող Սիրիայի բոլոր կողմերում տարերայնորեն առաջացան «Սանջաթի պաշտպանության կոմիտեներ», որոնց կենտրոնական խորհուրդը ստեղծվեց Դամասկոսում: Առանց խտրության բոլոր սիրիացիները արաբներն ու հայերը, քրիստոնյաներն ու մուսուլմանները, կոմունիստներն ու ազգայնականները գործունե մասնակցություն բերեցին Ալեքսանդրետի սանջաթի պաշտպանության տեղական կոմիտեների ձեռնարկած համաժողովրդական միջոցառումներին: Առանձնապես պետք է նշել կոմունիստների ակտիվ գործունեությունը այդ կոմիտեներում: Հայ ազգաբնակչության բոլոր խավերը, հատկապես Հալեպում, Դամասկոսում, Ալեքսանդրետում, Անտիոքում, Լեհի-Սվեդիայում (Մուսալեռ) և այլուր, նույնպես ակտիվորեն մասնակցում էին այդ կոմիտեների ձեռնարկած ժողովներին, միտինգներին ու այլ հրապարակային ելույթներին: Հայերը առատաձեռն կերպով մասնակցում էին սանջաթում ռեպրեսիաների ու ահաբեկման դեմ դարձած հայրենասերներին էյուբական օգնություն ցույց տալու նպատակով կազմակերպված հանգանակություններին: Դամասկոսի կենտրոնական խորհրդում վճռական ձայնով իրենց ներկայացուցիչներն ունեին հայ կոմունիստները և հեղափոխները: Հայկազ Բույաջյանը և ուրիշ հայեր, որպես «Սուրիահայ ժողո-

⁶ Տե՛ս ՀՍՍՀ ԳԱ արևելագիտության սեկտորի արխիվ, գործ ԱՆ 1, 3:

⁷ Տե՛ս «Սանջաթի ժողովրդին» սեպարատիստական կոչը. Aylin Tarhi, Ankara, 1937, հունվար, էջ 101: Նաև՝ Aitta Adnan, Le Conflit d'Alexandrette et la S. D. N., Damas, 1949, էջ 15:

⁸ Տե՛ս V é o u, Paul du, Le Désastre d'Alexandrette, Paris, 1938, էջ 53:

⁹ Տե՛ս S. H. Longrigg, Syria and Lebanon under French Mandate, London, 1958, էջ 227, նաև՝ «Современная Сирия», Институт востоковедения АН СССР, М., 1959, էջ 151:

վրդական ճակատի» ներկայացուցիչներ, մասնակցում էին սանջաքի պաշտպանութեան Հալեպի նահանգային խորհրդի աշխատանքներին¹⁰։

«Սուրիահայ ժողովրդական ճակատը», որը հիմնադրվել էր 1936 թ. հունիսի 19-ին Հալեպում, մեծապէս սատարեց արաբ-հայ եղբայրական իմաստասիրութեան և սանջաքի պաշտպանութեան գործին։ Ժողովրդական ճակատի տեղական կոմիտեներ առաջացան ինչպես ամբողջ Սիրիայի, այնպես էլ սանջաքի բոլոր հայաբնակ վայրերում։ Այդ ճակատում համախմբված հայ կոմունիստները, ինչպէս նաև երիտասարդական կամ հայրենակցական առաջադիմական կազմակերպությունները կատարեցին շատ շնորհակալ աշխատանք՝ ակտիվ կերպով մասնակցելով Սիրիայի ազգային-ազատագրական շարժմանը և Ալեքսանդրեոսի պաշտպանութեան պայքարին։ «Սուրիահայ ժողովրդական ճակատը» 1936 թ. պառլամենտական ընտրությունների, թե՛ հաջորդ տարիների քաղաքական խոշոր իրադարձությունների ժամանակ հանդես եկավ Սիրիայի արաբական հայրենասիրական խմբավորումների հետ միասնական ճակատով՝ հանուն միասնական ու անկախ սիրիական հանրապետութեան¹¹։

1936 թ. նոյեմբերի 13-ին պառլամենտական ընտրությունների առաջին տուրի նախօրյակին, Անտիոքում կազմակերպվող արաբ-հայկական նախընտրական մասսայական միտինգը խանգարելու համար թուրք էքստրեմիստները զինված մարդիկ ուղարկեցին միտինգի վայրը։ Ընդհարումների հետևանքով եղան վիրավորներ, սպանվածներ։ Նույն երեկոյան կազմակերպվեց արաբ-հայկական բողոքի մասսայական ցույց, որին մասնակցեցին նաև Որոնթեսի հովտից, Մուսալեռից, Լեշիեից, Քեսապից եկած ազգաբաժնոր դյուղացիներ։ Ցուցարարները մանդատային իշխանություններից պահանջում էին սանջաքում վերջ դնել թուրք սեպարատիստների սանձարձակութուններին և նորմալ պայմաններ ստեղծել ընտրությունների համար։ Սիրիական հասարակական կարծիքի ուժեղ մեծամասն տակ սանջաքում Ֆրանսիայի թրքապետ պատվիրակ Պիեռ Դյուրիյոն հարկադրված էր Անտիոքից հեռացնել 5 թուրք գործիչների և փակել տալ էքստրեմիստների «Ենի Գյուն» թերթը¹²։

Ընտրությունների առաջին տուրը նոյեմբերի 14-ին, ինչպես և 2-րդ տուրը՝ նոյեմբերի 30-ին, ընթացան համեմատաբար նորմալ իրադրության մեջ։ Բացի թուրք սեպարատիստներին ենթարկվողներին, սանջաքում բոլոր ընտրողները մասնակցեցին քվեարկության և պահանջված քվորումը շատ ավելիով ձեռք բերվեց¹³։ Նույնիսկ սանջաքից դուրս բնակվող մի քանի հարյուր մուսալեռցիներ, քեսապցիներ եկել էին իրենց ծննդավայրերը՝ ընտրության մասնակցելու համար¹⁴։ Ինչպես հաղորդում է Հալեպի «Ան-Նազիր» թերթը, հատկանշական է ընդգծել այն հանգամանքը, որ ընտրությանը մասնակցող քվեարկողների տոկոսը այս անգամ շատ ավելի բարձր էր եղել սանջաքում, քան նախորդ ընտրությունների ժամանակ։ Այդ բացատրվում է նրանով, որ ժողովուրդը պարզ գիտակցում է, թե պառլամենտական ընտրություններին մասնակցելը փաստորեն հանդիսանում է արաբական-սիրիական սանջաքի պաշտպանութեան գործը¹⁵։ Այսպիսով, 1936 թ. նոյեմբերի ընտրությունների ժամանակ սանջաքը հայերը մեկ անգամ էլ գործնականորեն արտահայտեցին իրենց նվիրվածությունը սիրիական հայրենիքին։

1936 թ. դեկտեմբերի 14—16-ին Ազգերի Լիգայի խորհուրդը, Թուրքիայի կառավարության պահանջով, նախնական քննարկման առարկա դարձրեց «Ալեքսանդրեոսի և Անտիոքի շրջանի հարցը» և որոշեց չեզոք դիտորդների միջազգային հանձնաժողով ուղարկել սանջաք։ Փաստական իրադրությունը տեղում ուսումնասիրելու համար դիտորդները 1937 թ. հունվարի 1-ին առաջին անգամ եղան Կրճկ-Խանում և հաւատարմեցին, որ «գծություն ոչ մեկ հիմք չկա և արաբները, հայերը, թուրքերը աշխատում ու ապրում են կատարելապես համերաշխ»¹⁶։ Անտիոքում, որտեղ գտնվում էր թուրք էքստրեմիստ-սեպարատիստների գլխավոր շտաբը, դիտորդները ականատես եղան պրոթուրքական բավականին սաստիկ ցույցերի¹⁷։ Դրանց ի պատասխան, հաջորդ օրը

10 Տե՛ս ՀՍՍՀ ԳԱ արևելագիտության սեկտորի արխիվ, գործ N 5։

11 Այս մասին մանրամասն տե՛ս «Սուրիահայ ժողովրդական ճակատի» արխիվը. Արևելագիտության սեկտորի արխիվ, գործ N.N 5, 6, 7, 10, 12։ Նաև՝ L. O. N. G. T. I. G. G. Նշվ. աշխ., էջ 232—240։

12 Տե՛ս V. é o u, Նշվ. աշխ., էջ 56։

13 Նույն տեղում, էջ 60։ Նաև՝ A l l a, սոց. աշխ., էջ 15։

14 Տե՛ս Արևելագիտության սեկտորի արխիվ, գործ N 10։

15 «Ան-Նազիր», Հալեպ, 20 դեկտեմբերի, 1936։

16 «L'Asie Française», Paris, 1937, հունվար, էջ 31—35։

քաղաքի ու շրջակա գյուղերի, ավաճների արարները, հայերը կազմակերպեցին մեծ ցույց, արտահայտելով Սիրիայի հետ հավերժ միասնության իրենց անհողողող կամքը¹⁷։ Ալեքսանդրետում բազմահարյուր արարներ ու հայեր զիտորդների մուտքը քաղաք զիմավորեցին «կեցցե՛՛ Սիրիան» բաղականություններով¹⁸։ 1937 թ. փետրվարին, այցելելով հայկական Քեսապ ավանն ու շրջակա հայ գյուղերը, զիտորդները արձանագրեցին շրջանի հայերի կամքն ու ցանկությունը՝ «իրենց շրջանը կցել կաթաթիայի նահանգին, որից Քեսապը կախում ունի տնտեսապես»¹⁹։ Այս ցանկություն հիմքում պետք է փնտրել հայերի մտավախությունը՝ սանջաքը Թուրքիային կցելու հավանականության առթև։

«Սանջաքի հարգը, ըստ էության Ազգերի լիգայի խորհրդի քննարկմանն էր դրվելու հունվարի վերջերին։ Այդ կապակցությամբ սեպարատիստները ամեն օր ցույցեր էին կազմակերպում սանջաքում՝ պահանջելով շրջանը կցել Թուրքիային։ Արարներն ու հայերը կազմակերպեցին հակացույցեր։ Այդ օրերին «Բզվեստիայի» հատուկ թղթակիցը Փարիզից հաղորդում էր, որ «Անտիոքում 2000 արաբ ցուցարարներ հայտարարել են Սիրիայի արդար իրավունքը սանջաքի վրա և պահանջել են Ֆրանսիայից՝ պաշտպանել այդ իրավունքը»²⁰։

1937 թ. հունվարին Ազգերի լիգան, Անգլիայի ճնշմամբ, կոմպրոմիսային լուծում տվեց սանջաքի կոնֆլիկտին։ Կոմպրոմիսային այդ կարգավորումը իր արտահայտությունը գտավ 1937 թ. մայիսին լիգայի խորհրդի կողմից Ալեքսանդրետի սանջաքի համար ընդունված նոր Ստատուսի և Հիմնական օրենքի մեջ։ Այդ ակտերով սանջաքը փաստորեն անջատվում էր Սիրիայից ու դրվում Թուրք-Ֆրանսիական համատեղ վերահսկողության տակ, միայն անվանապես մնալով սիրիական պետության կազմի մեջ²¹։

Բնական է, որ Սիրիայի և արաբական բոլոր երկրների հասարակական կարծիքը զժգոհությունամբ զիմավորեց ժնեյան կարգավորումը։ Ժնեյան կոմպրոմիսը ընդունվել էր հակառակ Սիրիայի կամքի ու առանց նրա մասնակցության։ Հետևաբար այն մերժվեց սիրիական ժողովրդի կողմից։ Դեռևս 1937 թ. հունվարի վերջերին, երբ հայտնի էին դարձել ժնեյում ձեռք բերված «սկզբնական համաձայնության» պայմանները, բողոքի հսկա ցույցեր ու գործադուլներ տեղի ունեցան Հալեպում, Դամասկոսում, Անտիոքում, Ալեքսանդրետում և Սիրիայի այլ քաղաքներում²²։ Հունվարի 26-ի Հալեպի վիթխարի ցույցին մասնակցեցին շուրջ 30.000 արաբներ ու հայեր, որոնք վանկարկում էին. «Ալեքսանդրետը արաբներինն է», «Կորչեն իմպերիալիստները»²³։ Հալեպի ցույցը զիմավորում էին մինիստրներ, ղոկտոր Ա. Քեյյալին և Հասան-Բեկը։ Դամասկոսի 15.000-անոց ցույցի առջևից քայլում էին պրեմիեր-մինիստր Զ. Մարգամ-Բեկը և արտաքին գործերի մինիստր Ս. Զարրին²⁴։

Բողոքի մասշտաբական ելույթներին զուգընթաց՝ Սիրիայի, իբրևանի ու արաբական մյուս երկրների մամուլում, բոլոր հայկական թերթերում հրապարակվում էին խմբագրականներ, հոդվածներ, որոնք դատապարտում էին ժնեյան անարդարացի լուծումը²⁵։ Արաբ ու հայ համայնքների, հասարակական-քաղաքական կազմակերպությունների անունից բողոքի բազմաթիվ հեռագրեր ուղարկվեցին Բեյրութ, Ժնև²⁶, Դամասկոսի «Ալ-Այյամ» թերթը, խոսելով «Սանջաքի պաշտպանության գործում հայերի ազնվագույն զիրքավորման» մասին, հաղորդում է, որ Անտիոքի շրջանի հայերը 1937 թ. փետրվարի 2-ին հեռագիր են ուղարկել Ազգերի լիգայի խորհրդին։ Այդ հեռագրում հայերը հայտարարում էին, որ «իրենք արաբների հետ կատարյալ համերաշխության մեջ են ապրում սիրիական հայրենիքում և իրենց ցասումն են արտահայտում սանջաքի գործերին Թուրքիայի որևէ ձևի միջամտության դեմ, որովհետև չեն մոռացել 1915—1919 թթ. հայերի հանդեպ թուրքերի կատարած վայրագությունները»²⁷։

1937 թ. փետրվարի 9-ից 11-ը սանջաքում տեղի ունեցան ժնեյան ակտերի դեմ բողոք արտահայտող ժողովրդական ցույցեր, որոնց նպատակն էր նպաստել և հավանություն տալ սիրիա-

¹⁷ V é o u, նշվ. աշխ., էջ 64։

¹⁸ „Le Temps“, Paris, 6 հունվարի, 1937։

¹⁹ „Oriente Moderno“, Roma, 1937, ապրիլ, էջ 179։

²⁰ «Известия», 8 հունվարի, 1937։

²¹ Այս մասին մանրամասն տե՛ս «Дипломатический Словарь», հատ. 3, էջ 378։

²² Տե՛ս V é o u, նշվ. աշխ., էջ 66։

²³ Տե՛ս Արևելագիտության սեկտորի արխիվ, գործ № 5։

²⁴ „Oriente Moderno“, 1937, մարտ, էջ 138։

²⁵ J. J. Morgan, La Fin du Mandat Français en Syrie, Paris, 1938, էջ 130։

²⁶ «Ալ-Այյամ», Դամասկոս, 10 փետրվարի, 1937։

կան կառավարական պատվիրակութեան գործողութիւններին, որը մեկնել էր Եվրոպա պահանջելու համար վերանայել ժնկյան կարգավորման պայմանները: Սեպարատիստները փորձեցին խանգարել արար-հայկական մասսայական ելույթները: Սակայն այդ նրանց շահողվեց, որովհետեւ ավելի քան 25.000 արար և հայ ցուցարարների դեմ նրանց հաջողվել էր հավաքել հազիվ 2000 ցուցարար²⁷:

Երբ 1937 թ. մայիսի 27-ին հայտնի դարձավ սանջաքի նոր Ստատուսի բովանդակութիւնը, ամբողջ սանջաքում հայտարարվեց ընդհանուր գործադուլ: Կանդ առան տրանսպորտը, առևտուրը, հասարակական կյանքը: Մայիսի 29-ին Սիրիայի հետ միասնութեան կողմնակից բոլոր հայրենասերները՝ արար, հայ, թուրք, մուսուլման թե քրիստոնյա, հավաքվեցին բողոքի միտինգի Անտիոքի կենտրոնական մզկիթում: Բազմահարյուր հայ լիւնականներ եկել էին Մուսա-լեռից, Քեսապից: Նրանց գլխավորում էին հայ կոմունիստներ Հ. Տեր-Պետրոսյանը, Հ. Զեմեյանը²⁸: Միտինգի մասնակիցները հայտարարեցին իրենց միահամուռ վճիռը՝ մերժել ժնկյան կարգավորումը, որը հակառակ իրենց կամքի սանջաքցիներին բաժանում էր սիրիական մայր-հայրենիքից: Բողոքի հինգ պետիցիաներ ուղարկվեցին արար, հայ և այլ համայնքների անունից²⁹:

Հունիսի 2-ին սիրիական պառլամենտը հոտնկայս և միաձայն ընդունեց բողոքի բանաձև ժնկյան ակտերի դեմ, որը ուղարկվեց Ազգերի լիգա: Սանջաքի հայ և մյուս դեպուտատները հավանութիւն տվեցին բանաձևին: Խոսելով Հալեպի ու հյուսիսային Սիրիայի հայ ու բոլոր քրիստոնյա ընտրողների անունից, դեպուտատ էդմոն Ռաբբաթը պառլամենտից պահանջեց ամեն միջոց ի գործ դնել սիրիական մայր-հայրենիքի ծոցում պահելու համար Ալեքսանդրեոսի սանջաքը, որը հանդիսանում է արարական երկրների միասնութեան ու անկախութեան բանալին³⁰:

Հունիսի 3-ին ընդհանուր գործադուլը տարածվեց ամբողջ Սիրիայում: Սանջաքում զինված ընդհարումներ տեղի ունեցան սեպարատիստների և արար ու հայ հայրենասերների միջև. եղան տասից ավելի վիրավորներ³¹: Ֆրանսիայի պատվիրակը անհրաժեշտ գտավ Անտիոքում հրավիրել արար, հայ և թուրք համայնքների ղեկավարների ու քաղաքական գործիչների խորհրդակցութիւն՝ «կողմերի հաշտեցման ու լարված դրութեան վերջ տալու նպատակով»: Այս միջոցառումը նախօրոք դատապարտված էր ամլութեան³²:

Հարված դրութիւնն ու խառնակութիւնները, առյուծանիւ ընդհարումները շարունակվեցին ամբողջ ամառը, նույնիսկ թրքասեր պատվիրակ Պիեռ Դյուրիյոյի 1937 թ. հուլիսի 18-ին պաշտոնից հեռացվելուց հետո էլ³³: Երբ 1937 թ. սեպտեմբերի 6-ին Ֆրանսիայի նոր պատվիրակ՝ դեմոկրատ պետական գործիչ Ռոժե Գառոն ստանձնեց իր պաշտոնը սանջաքում, դրութիւնը համեմատաբար մեղմացավ շնորհիվ նոր պատվիրակի ձեռք առած միջոցների՝ սահման դնելու սեպարատիստների գործողութիւններին³⁴:

1937 թ. նոյեմբերի 29-ին սանջաքի համար ժնկում ընդունված նոր Ստատուսը հայտարարվեց ուժի մեջ: Այդ կատարվեց Անկարայի դիվանագիտական ուժեղ ճնշմանը տեղի տալով, չնայած որ Ստատուսը ուժի մեջ պետք է մտնի ֆրանսիական մանդատի վերացումից հետո: Այդ ակտը թե «իրավական խախտում» էր, թե «հակասահմանադրական գործողութիւն», որսվհետև կատարվում էր ֆրանս-սիրիական դաշնագրի ուժի մեջ մտնելուց առաջ³⁵:

1937 թ. նոյեմբերի 29-ի պրոկլամացիան քնականաբար սանջաքում ու ամբողջ Սիրիայում ընդունվեց բողոքի նոր ալիքներով, որոնք տարածվեցին հարևան արաբական երկրները: Այլևս կասկած չէր մնում, որ իմպերիալիստները կատարել էին առաջին «իրավական» քայլը սանջաքը Թուրքիային միացնելու ճանապարհին: Նոր իրադրութիւնից գոտեպնդված՝ թուրք սեպարատիստ-

²⁷ Տե՛ս V é o u, նշվ. աշխ., էջ 67—68:

²⁸ Տե՛ս Արևելագիտութեան սեկտորի արխիվ, գործ Ա.Ն. 3, 6, 12:

²⁹ Տե՛ս League of Nations, Official Journal, Permanent Mandates Commission's Report—1937, Document C. P. M. 2032, February, 1939, էջ 172:

³⁰ „La France Méditerranéenne et Africaine“, Paris, 1948, պրակ 1, էջ 124 (ծնթ. 3):

³¹ Տե՛ս „Le Temps“, 8 հունիսի, 1937, „Morning Post“, 3 հունիսի, 1937:

³² Տե՛ս „Oriente Moderno“, 1937, հունիս, էջ 298:

³³ Տե՛ս „L'Echo d'Alexandrette“, Alexandrette, 24 հունիսի, 1937:

³⁴ Տե՛ս „République Française, Ministère des Affaires Etrangères, Rapport à la S. D. N. sur la situation en Syrie et au Liban, Année 1937“, Paris, 1938, էջ 6:

³⁵ Տե՛ս V é o u, Les Chrétiens en Péril au Moussa-Dagh, Paris, 1939, էջ 28—29: Նաև՝ Sperduti, Giuseppe, Aspetti Giuridici della Questione di Alessandretta, Milano, 1939, էջ 179—180:

ները դարձել էին ավելի համարձակ և ուզում էին ահարեկման միջոցով ընկճել սիրիացի հայրենասերներին: Վերջիններս տեղի չտվեցին, այլ դիմեցին ինքնապաշտպանության հակամիջոցների: Մանդատային իշխանությունները, ցույց տալու համար, որ անկողմնակալ չէին դիրք են պահում, կատարեցին թուրք և արաբ «ծայրահեղներ» ձերբակալություններ³⁶: Երբ սանջարի արաբ «մուհաֆեդ» (նահանգապետ) Նուսի Բարազիի պաշտոնը վերացվեց, շրջանի արաբ ու հայ բնակչությունը բոյկոտի ենթարկեց նոր ադմինիստրացիան, բազմաթիվ պաշտոնատարներ մերժեցին ծառայել նոր իշխանության ներքո: «Նոր ղեկավար» ուժի մեջ մտնելը ավելի էր ամրապնդել սանջարում Սիրիայի իստ միասնության կողմնակիցների համերաշխ ճակատը:

Նոր Ստատուսի տրամադրություններին համաձայն, 1938 թ. դարևանը պետք է տեղի ունենային սանջարի «ասամբլեայի» ընտրությունները: Ընտրությունները նախապատրաստող միջազգային հանձնաժողովը 1937 թ. հոկտեմբերի 20-ից մինչև նոյեմբերի 19-ը եղավ սանջարում: Հանձնաժողովի անդամները եղան ինչպես այլ համայնքների, այնպես էլ հայ համայնքի ներկայացուցիչների մոտ, որոնք հանձնաժողովին հայտարարեցին հայերի միահամուռ կամքը՝ սանջարը պահպանել սիրիական պետության կազմի մեջ:

Այսուհանդերձ, անգլո-ֆրանսիական իմպերիալիստները, հաշվի առնելով Եվրոպայում տիրող լարված իրադրությունը, արդեն գաղտնի գործարքի մեջ էին մտել Անկարայի կառավարողների հետ՝ սանջարը թողնելու Թուրքիային, վերջինիս զինակցությունը անխուսափելի թվացող համաշխարհային կոնֆլիկտում ապահովելու համար: Սանջարում գտնվող միջազգային ընտրական հանձնաժողովի րեզիդենցի անդամ Ժակ Լադրանժը այդ խուստովանել էր հայ համայնքի ներկայացուցիչներից մեկին, 1937 թ. հոկտեմբերի վերջերին Անտիոքում դադարի խոսակցության ժամանակ հայտարարելով, «1940 թ. առաջ սանջարը կկցվի Թուրքիային, այդ կցումը անհրաժեշտ է նկատվում, որպեսզի Թուրքիան Գերմանիայի կողմը չապրանք»:

Սիրիայի ողջ հասարակայնությանը, սանջարի բոլոր հայրենասերներին ծանոթ էին իմպերիալիստների մոթ պլանները: Անհրաժեշտ էր լավելի կազմակերպված և հետևողական կերպով նախապատրաստվել հանրաքվե-ընտրություններին և մեկ մարդու պես մասնակցելով քվեարկություններին՝ միջազգային հանձնաժողովի և համաշխարհային հասարակական կարծիքի առջև ապացուցել, որ սանջարի ազգաբնակչության ճնշող մեծամասնությունը դեմ է Սիրիայից որևէ ձևով շրջանի անջատմանը: Սանջարի կոմունիստներին վիճակված էր խաղալ պատվավոր դեր՝ սիրիական սանջարի պաշտպանության միասնական ճակատը 1936 թ. ստեղծելու և հետագայում այն ամրապնդելու դործում: Իսկ հայ կոմունիստները վճռական դեր էին կատարում սանջարի կոմունիստական կազմակերպության ղեկավարության ու ամբողջ գործունեության մեջ⁴⁰:

Արաբ-հայկական համագործակցությունը գործնական ձև և լայն մասշտաբներ ստացավ, երբ 1938 թ. հունվարի 30-ին Անտիոքում հավաքված արաբ և հայ հայրենասիրական բոլոր քաղաքական խմբավորումները որոշեցին կազմել «Ժողովրդական դեմոկրատական ուժերի համախմբում»⁴¹: Այդ համախմբման գործունեությունը դարձավ ավելի արդյունավետ ու հուսալի, երբ 1938 թ. մարտի 13—15-ը սանջար այցելեց Սիրիայի ու Լիբանանի կոմունիստական կուսակցության զխավոր քարտուղար Քալեդ Բեքդաշը⁴², նրա և սիրիական կառավարության կողմից հատուկ միսիայով սանջար ուղարկված ների՝ էլ-Աղմեի նախաձեռնությամբ տեղի ունեցավ հայրենասիրական քաղաքական կուսակցությունների ներկայացուցիչների խորհրդակցություն⁴³: Խորհրդակցությունը մշակեց ու ընդունեց համաձայնեցված գործողությունների այն պլանը, որը պետք է կենսագործվեր հայ-արաբ դեմոկրատական համախմբման անդամ բոլոր կազմակերպությունների կողմից հանրաքվե-ընտրությունների ընթացքում: Ընդունված հիմնական որոշումներից մեկը հետևյալն էր. ձեռք առնել բոլոր անհրաժեշտ միջոցները, որպեսզի սանջարից դուրս ապրող բնիկ սանջարցիները մասնակցեն հանրաքվեին: Այս միջոցառումը դարձել էր հրատապ անհրա-

³⁶ Տե՛ս «Rapport a la S. D. N.—1937», նշվ. աշխ., էջ 6—7:

³⁷ Տե՛ս Longrigg, նշվ. աշխ., էջ 241, Toynbee Arnold, Survey of International Affairs—1938, London, 1941, էջ 480:

³⁸ Տե՛ս Արևելագիտության սեկտորի արխիվ, դործ Ն.Ն. 7, 9, 11:

³⁹ Նույն տեղում, գործ Ն.Ն. 9:

⁴⁰ Այս մասին տե՛ս վերևում նշված մեր հոդվածը, ՀՍՍՀ ԳԱ «Տեղեկագիր», 1964, № 12, էջ 33—34:

⁴¹ Տե՛ս «Ժողովրդի 2-րդ», Բեյրութ, 13 փետրվարի, 1938:

⁴² Նույն տեղում, 20 մարտի, 1938:

⁴³ Նույն տեղում, 27 մարտի, 1938: Իսկ Արևելագիտության սեկտորի արխիվ, գործ Ն.Ն. 1, 7:

ժեշտություն, որովհետև շուրջ 25.000 կեղծ սանջաքցիները բերվել էին և մինչև մայիս պետք է բերվեին Քուրթիայից՝ սեպարատիստների կողմից քվեարկելու համար⁴⁴։ Մեծ և պատասխանատու պարտականություն էր դրվում հայկական կազմակերպությունների վրա։ Արդարև, մի քանի հազար մուսալեոցիներ ու քեսապցիներ ապրում էին Սիրիայի ու Լիբանանի տարրեր քաղաքներում։ Հարկ էր ապահովել նրանց մեծ մասի մասնակցությունը հանրաքվեին։ Կային նույնպես սանջաքից դուրս ապրող հազարավոր բնիկ սանջաքցի արարներ, Ալեքսանդրեայի պաշտպանության կոմիտեների անդամ բոլոր կազմակերպությունները, հատկապես կոմունիստական կուսակցությունը, Ողջային բլուր, «Սուրիահայ ժողովրդական ճակատը», ինչպես նաև Մուսա-լեոն ու Քեսապի հայրենակցական միությունների տեղական մասնաճյուղերը շնորհակալ և մեծ աշխատանք կատարեցին այս ուղղությամբ⁴⁵։ Բնիկ մուսալեոցի՝ ակտիվ, նվիրված կոմունիստ Հովսեփ Կրիկյանի քեկավարությամբ 1938 թ. մայիսին բեյրութարևակ շուրջ 90 մուսալեոցիներ Հաթաթիայի վրայով, ծովով, մեծ դժվարություններ հաղթահարելով հասել են Մուսա-լեո և մասնակցել հանրաքվեին⁴⁶։ Մուսալեոցի Ալեքսանդր Փաշայանը հայտնում է, որ Աղզային բլուրի տրամադրած միջոցներով և արտո ու հայ հայրենասերների օգնությամբ ինքը կազմակերպել է շուրջ 150 սանջաքցիների փոխադրումը Դամասկոսից՝ սանջաք⁴⁷։ Ուրիշ հայեր ևս, իրենց հասարակական պարտականությունների բերումով, մասնակցել են Հալեպի և Հյուսիսային Սիրիայի շրջաններից մի քանի հարյուր սանջաքցիների իրենց ծննդավայրը փոխադրելու գործին, որը կենսագործվում էր Աղզային բլուրի և «Սուրիահայ ժողովրդական ճակատի» կողմից⁴⁸։ Այս գործում շնորհակալ աշխատանք կատարեցին Հալեպ-Ալեքսանդրեո-Անտիոք երթուղիներով աշխատող հայ ավտոմարորդները, որոնք հոծարակամ ու անվճար կատարեցին հարյուրավոր սանջաքցիների փոխադրումը Հալեպից։ Փոխադրման կազմակերպումը վստահված էր սանջաքցի ակտիվ կոմունիստ ու ավտոտրանսպորտի աշխատող Փայլակ Իսրայելյանին, ուր կոմկուսի ընդհատակյա գրականության փոխադրման գործում մեծ ավանդ ու մեծ փորձ ունենալով⁴⁹։ Այսպիսով, շուրջ 2060 բնիկ սանջաքցի հայեր, նույնքան և ավելի արարներ փոխադրվեցին իրենց ծննդավայրը։

1938 թ. մայիսի 3-ին սկսվեցին գրանցումներն ընտրական ցուցակներում՝ ըստ համայնքների⁵⁰։ Սիրիական ընտրական օրենքի համաձայն, համապատասխան համայնքի ընտրական ցուցակում գրանցվելը պետք է կատարվեր ըստ համայնքային փաստական պատկանելիության։ Սակայն, դիվանագիտական ու քաղաքական ուժեղ ճնշման շնորհիվ, Անկարայի կառավարությանը հաջողվել էր Լիզայի կողմից մշակված ընտրական կանոնադրության մեջ մտցնել հողվածներ, որոնք իրավունք էին վերապահում որևէ սանջաքցի ընտրողի՝ գրանցվել իր ցանկացած համայնքի ցուցակում⁵¹։ Այդ հողվածների շնորհիվ սեպարատիստների համար հնարավորություն էր ստեղծվում կաշառքի, ահաբեկման և այլ ապօրինի միջոցներով իրենց ցուցակում գրանցել տալ, իրենց կողմնակիցներից բացի, նաև այլ համայնքների պատկանող ընտրողների։ Ընտրական ցուցակներում գրանցվելու փաստորեն հանգելու էր ժողովրդական հարցման։ Սանջաքը սիրրական պետության կազմում պահել, թե՛ հանձնել Քուրթիայի գերիշխանությանը։ Սանջաքի ապագա պառլամենտում տեղերը պետք է բաշխվեին համամասնորեն՝ ըստ յուրաքանչյուր համայնքի ցուցակում գրանցված ընտրողների քանակի։ «Քուրթ համայնքի» (սեպարատիստների) ցուցակի մեծամասնություն ձեռք բերելու դեպքում սանջաքը անխուսափելիորեն կկցվեր Քուրթիային։ Ուստի, անհրաժեշտ էր հետևողականորեն պայքարել, որպեսզի էքստրեմիստ-սեպարատիստները չկարողանան ապօրինի միջոցներով «մեծամասնություն» չափել։ Ահա այսպիսի լուրջ խնդիր էր դրված սանջաքի հալոնասերների միասնական ճակատի առջև, իսկ նրանք պատվով կատարեցին այդ խնդիրը։ Սեպարատիստները ջախջախիչ պարտություն կրեցին հանրաքվե-ընտրություններում։ Արդարև, 1938 թ. մայիսի 22-ին ընտրական գրանցումները ավարտվել էին գրեթե բոլոր տեղամասերում և արդյունքները շատ պերճախոս էին. քվեարկողների շուրջ 65 տոկոսը գրանցվել էր

44 S.S. Homet, նշվ. աշխ., էջ 11։

45 S.S. Արևելագիտության սեկտորի արխիվ, գործ N. № 1, 5, 7, 11։

46 S.S. նույն տեղում, գործ N. 10։

47 S.S. նույն տեղում, գործ N. 13։

48 S.S. նույն տեղում, գործ N. N. 5, 15։

49 S.S. նույն տեղում, գործ N. N. 1, 5։

50 Սանջաքում պաշտոնապես ընդունված համայնքներն էին հետևյալները. արար-սուննի, արար-ալավի, թուրք, հայ, հույն-ուղղափառ, քուրդ։

51 S.S. League of Nations, Official Documents C. 103, M. 56, 1938, Final Regulations for the First Elections in the Sanjak of Alexandretta, Geneva, 1938, էջ 4—7։

սանջաքը Սիրիայի կազմում պահելու կողմնակից համայնքների ցուցակներում, դրանով մեկ անգամ էլ արտահայտելով սանջաքի տարածումը ու հայ ճնշող մեծամասնության արդար կամրջ⁵²։ Սեպարատիստներն պարտություն էին կրել հակառակ իրենց ապօրինի բոլոր դործողությունների⁵³, հակառակ հայ, արաբ և այլ ընտրողների վրա գործադրած ահաբեկման տարրեր միջոցների ու զինված հարձակումների⁵⁴։ Իրենց շովինիստական լոգունանքով և ապօրինի գործելակերպով սեպարատիստները իրենցից վանել էին բազմահազար թուրք դեմոկրատների, իսկ մյուս կողմից՝ ավելի ամրապնդել ու զոդել հայ-արաբ հղբայրական համերաշխությունը։ Այս կապակցությամբ Ֆ. Գրեյվզը գրում է. «Թուրք էքստրեմիստների իմրակը ճնշման և ահաբեկման ուղղությամբ այն աստիճանի ծայրահեղությունների հասավ, որ կորցրեց բազմաթիվ թուրք շավափորականների աջակցությունը»⁵⁵։ Լ. Գորդոնը ականատեսի վկայությամբ հաղորդում է, որ «ամբողջ մամուլը, արաբներն ու հայերը, թուրքմենները հրճվում էին սեպարատիստների աղաղակող պարտությունից»⁵⁶։

Սեպարատիստների պարտության գործում վճռական դեր կատարեց սանջաքի հայ ազգաբնակչության հայրենատիրական ճիշտ և արի դիրքորոշումը։ Ահա թե ինչ է գրում այս մասին Դամասկոսի «էքո դը Սիրի» թերթը. «Սանջաքի հայերը իրենց դրսևորեցին որպես հիանալի և լույս սիրիական քաղաքացիներ։ Սանջաքի հայը համերաշխվել, միաձուլվել է արաբների հետ որպես ապացույց հավատարմության՝ հանդեպ իր նոր երկրի և ի նշան երախտագիտության՝ հանդեպ արաբների, որոնց հետ նա եղբայրացել է»⁵⁷։ Սիրիացի ականավոր քաղաքական գործիչ ղոկտոր Ա. Շահրանդարը կահիրեի հայ լրագրողներին տված հարցազրույցի ժամանակ հայտարարել է. «Ալեքսանդրետի սանջաքի 35.000 հայերը իրենց դրսևորեցին որպես զերազանցորեն լավ սիրիացիներ։ Արաբների հետ նրանց հարաբերությունները միշտ էլ եղել են հիանալի, իսկ նրանց սրանչևի դիրքավորումը Ալեքսանդրետի կոնֆլիկտի այս օրերին էլ ավելի ամրապնդեց այդ հարաբերությունները»⁵⁸։ Խոսելով Ալեքսանդրետի, Անտիոքի և Հալեպի հայերի մասին, «որոնք ավերվողույն կեցվածք են ունեցել թուրքական պրոպագանդայի դեմ», «Ալիֆ-Բա» թերթը թղթակիցը գրում է Հալեպից. «Արտասահմանից հասած տեղեկություններից իմանում ենք, որ հարյուրավոր հայեր ճանապարհ են ընկել դեպի Ալեքսանդրետ՝ պաշտպանելու համար իրենց երկիրը թուրքերի ընչաքաղցությունից, պատրաստ՝ նույնիսկ իրենց արյունը թափելու»⁵⁹։ Դամասկոսի «Ալ-Այյամ» թերթը իր հերթին պախարակելով Հալեպի մի շարք արաբ «վաճառականների ու երեկելիների, որոնք թուրքից ավելի թուրք են դարձել», եզրակացնում է, որ նրանց դիրքավորումը բացահայտ հակադրության մեջ է գտնվում բոլոր հայերի հայրենասիրական կեցվածքի հետ»⁶⁰։

Ինչպես վերևում նշվեց, սեպարատիստները վերջնական պարտություն էին կրել սանջաքի հանրաքվե-ընտրություններում։ Օրինականության ճանապարհը այլևս փակված էր նրանց առջև՝ իրենց պլանները իրագործելու համար։ Անկարան անհրաժեշտ գտավ նորից խոսել «ուժի դիրքերից»։ Թուրքիայի արտաքին գործերի մինիստր Ռ. Ալասը մայիսի 21-ին արգեն Փարիզ էր հղել ուլտիմատումի բովանդակություն ունեցող նոտա, պահանջելով «մինչև ամսվա վերջը, ինչ զնով էլ լինի, ձեռք բերել սանջաքի կոնֆլիկտի վերջնական կարգավորում»⁶¹։ Զուգահեռաբար՝ հրահրվեցին արյունալի խառնակություններ Անտիոքում և այլուր, վիրավորվեցին ու սպանվեցին բազմաթիվ արաբներ ու հայեր⁶²։ Երբ հայտնի դարձավ, թե զինված հարձակում է պատրաստվում հայկա-

⁵² Տե՛ս Alta, նշվ. աշխ., էջ 53; Toynbee, նշվ. աշխ., էջ 484; «Le Temps», 23 հունիսի, 1938; Heald Stephan, Documents of International Affairs, 1937, London, 1939, էջ 470.

⁵³ Տե՛ս «Ժողովուրդի ձայն», 13 փետրվարի, 1938, 29 մայիսի, 1938; նաև՝ Homel, նշվ. աշխ., էջ 11; Vcou, Désastre, նշվ. աշխ., էջ 79.

⁵⁴ Տե՛ս «Ժողովուրդի ձայն», 5 հունիսի, 1938; նաև՝ «L'Europe Nouvelle», Paris, 8 ապրիլի, 1939, էջ 371.

⁵⁵ Graves Philip, The Nineteenth Century and After, London, օգոստոս, 1938, էջ 165.

⁵⁶ Gordon Helen, Syria As It Is, London, 1939, էջ 169.

⁵⁷ «Les Echos de Syrie», Damas, 11 հունիսի, 1938.

⁵⁸ «Ալիֆ-Բա», Դամասկոս, 11 մայիսի, 1937.

⁵⁹ Նույն տեղում, 11 փետրվարի, 1937.

⁶⁰ «Ալ-Այյամ», Դամասկոս, 12 փետրվարի, 1937.

⁶¹ Տե՛ս S. Heald, նշվ. աշխ., էջ 470.

⁶² Տե՛ս «Дипломатический Словарь», հատ. 3, էջ 378.

կան ու արարական դուրսերի վրա, ամբողջ սանջարում հայտարարվեց ընդհանուր գործադուլ և մի քանի հարյուր հայ լեռնականներ Մուսա-լեռից ու Ք'եսապիս կազմակերպված ձեռք իջան Անտիոք⁶³։ Մայիսի 30—31-ին Անտիոքում տեղի ունեցան բողոքի փառարարի ցույցեր ու միտինգներ, որոնց մասնակցեցին սանջարի բոլոր կողմերից եկած հազարավոր հայրենասերներ⁶⁴։ Յույցը հունիսի 1-ին ցրվեց բանակի կողմից, Անտիոքում հաստատվեց պարեկային ժամ և «ընտանական գործողությունները» կասեցվեցին ամբողջ սանջարում։

Տեղի տալով Անկարայի ու Լոնդոնի ռազմական, քաղաքական ու դիվանագիտական ուժեղ ու հարատև ճնշման առջև, Փարիզը համաձայնվել էր թուրք սեպարատիստների համար «ապահովել մեծամասնություն» սանջարի ապագա պառլամենտում։ Հունիսի 3-ին ամբողջ սանջարի տերիտորիայում մտցվեց արտակարգ ռազմական դրություն և ամբողջ իշխանությունը հանձնվեց իմպերիալիզմի մոլի կամակատար, ֆաշիստ մայոր Կոլեին⁶⁵։ Մայր առան ոչ թուրք և առաջադիմական տարրերի հալածանքն ու համապարփած ռեպրեսիաները, էքստրեմիստների ղեկավար Ա. Մելեքը նշանակվեց «Սանջարի ներքին գործերի դիրեկտոր» և բոլորովին ազատ ասպարեզ բացվեց ապօրինությունների համար։ Իստանբուլից ազատ արձակվեցին քրեական հանցագործները, նրանց տեղերը լցվեցին հայրենասերներով⁶⁶։ Ազգերի լիզայի կողմից սանջարի ընտրություններին վերահսկող հանձնաժողովը հունիսի 29-ին հեռացավ սանջարից։ Միաժամանակ Փարիզում, Անկարայում ու Անտիոքում տարվող ֆրանս-թուրքական զաղտնի բանակցությունները վերջացան 1938 թ. հուլիսի 3-ին ստորագրված «Ջինվորական կոնվենցիայով» և «Բարեկամության դաշինքով»։ Հունիսի 5-ին սանջար մտան թուրքական զորքեր և դրանով իսկ կանխորոշվեց շրջանի հետագա ճակատագիրը⁶⁷։

Արարներն ու հայերը, սանջարի բոլոր հայրենասերները բոյկոտի ենթարկեցին օգոստոսին «թղթի վրա կատարված ընտրությունները», որից հետո սանջարի «պառլամենտը» 1938 թ. սեպտեմբերի 2-ին հռչակեց «Հաթայի պետության» ստեղծումը։ 1939 թ. հունիսին «Հաթայը» կցվեց Թուրքիային⁶⁸։

Սիրիայում ու Լիբանանում Ֆրանսիայի բարձր-կոմիսար Գարրիել Պյուն խոստովանում է, որ «Ֆրանսիան սանջարը լքելու որոշումը ընդունել էր ելնիլով լուկ իր սեփական շահերից՝ ապահովելու համար Թուրքիայի բարեկամությունը և նրա զինակցությունը»⁶⁹։ Եվ իրոք, Թուրքիայի զինակցությունը ապահովվեց՝ սանջարը Թուրքիային զիջելու գնով։ Ա. Ֆ. Միլլերը այս կապակցությամբ գրում է. «Թուրքիայի շահագրգռվածությունը սանջարը աններսիայի ենթարկելու վերաբերյալ՝ բրիտանական դիվանագիտության ձեռքում որպես զենք ծառայեց թուրքական կառավարության վրա ճնշում գործադրելու համար։ Իսկ Ֆրանսիան, ինչպես «մյունխենյան» քաղաքականության հարցերում, այնպես էլ Մերձավոր Արևելքում ռազմական բնակ ստեղծելու հարցում զնալով Անգլիայի հետևից, չհակառակվեց այլևս սանջարը աններսիայի ենթարկելու վերաբերյալ Թուրքիայի պահանջին (որը վայելում էր անդիազիների պաշտպանությունը), սակայն այն պայմանով միայն, որ Թուրքիան կմիանա անգլո-ֆրանսիական բլոկին⁷⁰։ Ինչպես հայտնի է, Թուրքիան պաշտոնապես միացավ անգլո-ֆրանսիական ռազմական բլոկին՝ Ալեքսանդրիայի սանջարը կցելուց չորս ամիս էլ չանցած, երբ 1939 թ. հոկտեմբերի 19-ին Անկարայում կնքվեց «Անգլո-ֆրանս-թուրքական փոխադարձ օգնության պայմանագիրը»։ Թուրքական կառավարությունը շտապել էր ստորագրել այդ ակտը, երբ իր արտաքին գործերի մինիստր Շ. Սարաջոլուն գեոկազդուրում էր Մոսկվայից Անկարա վերադարձի ճանապարհին⁷¹։

63 Տե՛ս A. Toynbee, նշվ. աշխ., էջ 434։

64 Տե՛ս Արևելագիտության սեկտորի արխիվ, գործ № 11, 12։

65 Տե՛ս «Ժողովուրդի Ձայն», 12 հունիսի, 1938։

66 Տե՛ս A. Toynbee, նշվ. աշխ., էջ 485։ A. Alta, նշվ. աշխ., էջ 55։

67 Տե՛ս «Дипломатический Словарь», հատ. 3, էջ 377—378։

68 Տե՛ս «Ժողովուրդի Ձայն», 4 սեպտեմբերի, 1938։ Նաև՝ A. Alta, նշվ. աշխ., էջ 274։ «Հաթայի պետության» ստեղծման և միջազգային իրավական ստատուսի մասին տե՛ս «Մերձավոր և Միջին Արևելքի երկրներ և ժողովուրդներ», III, Արաբական երկրները ժողովածուն, Երևան, 1967, էջ 61—88։

69 P. uaux Gabriel, Deux Années au Levant, Souvenirs de Syrie et du Liban, 1939—1940, Paris, 1952, էջ 56։

70 A. Ф. Миллер, Очерки новейшей истории Турции, М., 1948, էջ 191։

71 Նույն տեղում, էջ 209։

Խոսելով սանջաքի կցումից ու անդլո-ֆրանս-թուրքական պայմանագրի կնքումից հետո Թուրքիայի արտաքին քաղաքականության մասին, ՍՍՀՄ արտաքին գործերի ժողովրդական կոմիտեի 1939 թ. հոկտեմբերի 31-ին հայտարարել է հետևյալը ՍՍՀՄ Գերագույն սովետի սեսիայում. «Թուրքիայի քաղաքականության մեջ մեզ համար այժմ շատ րան շատ ավելի պարզորոշ է դարձել, ինչպես Մոսկվայի բանակցությունների հետևանքով, այնպես էլ Թուրքիայի կառավարության արտաքին քաղաքական վերջին գործողությունների հետևանքով, ինչպես հայտնի է, Թուրքիան գերադասեց իր բախտը կապել պատերազմի մասնակից եվրոպական տերությունների որոշակի խմբավորման հետ: Նա փոխադարձ օգնության պակտ կնքեց Անգլիայի ու Ֆրանսիայի հետ...: Դրանով իսկ Թուրքիան վերջնականապես դեն չպրտեց չեզոքության զգուշավոր քաղաքականությունը և իրեն նետեց եվրոպայում ծավալվող պատերազմի ոլորտի մեջ»⁷²:

Այսպիսով, մանդատային տերությունը սիրիական սանջաքը զոհարեց իր քաղաքական ու դիվանագիտական շահերի ապահովման համար: Սիրիայի սուվերենությունը և ժողովուրդների ազատ ինքնորոշման իրավունքը կոպիտ կերպով խախտող իմպերիալիստական այս գործարքը մերժվեց Սիրիայի ժողովրդի և կառավարության կողմից, որը բողոքի հուշագրեր ուղարկեց Ժնև և Փարիզ: Տեղի ունեցան բողոքի ցույցեր, միտինգներ, գործադուլներ: Դեռևս իր անկախությանը չհասած Սիրիան 1939 թ. ունեցավ հնարավորություններ չունեցող պաշտպանելու իր արդար իրավունքը⁷³: Այսօր Սիրիան և արաբական բոլոր երկրները պահանջում են սանջաքը վերամիավորել իր իրավական տիրոջ՝ Սիրիական արաբական հանրապետության հետ: Արաբական ժողովուրդների այդ պահանջը պաշտպանություն գտավ նաև միջազգային դեմոկրատական այնպիսի հեղինակավոր կազմակերպության կողմից, որպիսին է Ասիայի ու Աֆրիկայի ժողովուրդների համերաշխության կազմակերպության խորհուրդը, որը 1964 թ. մարտին Ալժիրում դրամաված իր VI սեսիայում ընդունեց հատուկ բանաձև Ալեքսանդրիայի հարցի վերաբերյալ, որտեղ «Ճանաչվում և վճռականորեն պաշտպանվում է սիրիական պետության այդ մասը բոլոր միջոցներով իր օրինական տիրոջը վերադարձնելու պահանջը»⁷⁴:

Մենք համառոտակի շարադրեցինք սանջաքի պաշտպանության համար մղված համաժողովրդական պայքարին հայերի ակտիվ մասնակցության գլխավոր զրկագները: Երբ շրջանը միացվեց Թուրքիային, սանջաքի ավելի քան 40.000 հայերը (ինչպես և շուրջ 20.000 արաբներ) հեռացան իրենց ծննդավայրից և վերաբնակվեցին Սիրիայի ուրիշ քաղաքներում և Լիբանանում:

⁷² «Известия», 1 հոկտեմբերի, 1939.

⁷³ Տե՛ս «Дипломатический словарь», հատ. 3, էջ 379.

⁷⁴ Տե՛ս Советский комитет солидарности народов Азии и Африки. Информационный бюллетень. № 2, М., 1964, էջ 19.